

БАНК АХБОРОТНОМАСИ

БАНК ХОДИМЛАРИ ВА ТАДБИРКОРЛАРНИНГ ҲАФТАЛИК НАШРИ

Махсус сон

№ 33 (1212)

2019 йил 29 август

1995 йил январдан бошлаб нашр этилмоқда

ISSN 2010-6602

@bank_axborotnomasi

Сайтимизга ўтиш учун QR кодini телефонингиз орқали сканер қилинг



БАЙРАМИНГИЗ МУБОРАК БЎЛСИН!

Инсон қадри – улуг. У эртага эмас, узоқ келажакда эмас, айнан бугун ўз ҳаётидан рози ва мамнун бўлиб яшаши керак.

Шавкат МИРЗИЁЕВ

ЭЛ ФАРОВОНЛИГИ – ЮРТ ОБОДЛИГИ

Мустақиллик – бугун биз эришган юксак марраларга қанот бўлган куч. Бугун юртимизнинг ҳар гўшасида бўй кўрсатиб турган озод ва обод ватан манзаралари, аввало истиқлол шарофатидандир.

Бугун ҳар бир мамлакат фуқароси қалбини "Инсон манфаати – ҳар нарсадан улуг", "Инсон, унинг ҳуқуқ ва эркинликлари ҳамда манфаатлари – энг олий қадрият", "Ислохот ислохот учун эмас, аввало инсон учун, унинг келажиги учун" каби эзгу ғоялар қамраб олиб, ўзига ишонч, бахт туйғуси, дил шукронаси туфайли дилида ўз она-Ватани тараққиётга дахлдорлик ҳиссини уққунлантirmoқда.

Мамнуният билан айтиш жоизки, ўтган қисқа вақт ичида амалга оширилган сиёсий ва иқтисодий ислохотларда, асосан,

ижтимоий ҳимояни мустаҳкамлашга алоҳида эътибор қаратилмоқда. Боиси, аҳоли бекаму-кўст, тинч-осуда, бахтли ҳаёт кечирсагина мамлакат юксалади, тараққиётга юз тутаети. Муҳтарам Юртбошимиз томонидан бу борада амалга оширилиши зарур бўлган устувор вазибаларни қамровчи қатор фармон ва қарорлар қабул қилинди. Бу аҳолининг эътиёжманд қатлами уй-жой билан таъминлаш борасидаги эзгу ишларни бошлаб берди.

(Давоми 3-саҳифада)

МУСТАҚИЛЛИК ҚЎШИҒИ ЖАРАНГЛАМОҚДА

Мустақиллик – ота-боболаримиз орзу қилган ҳурлик, озодлик, ободликка йўғрилган мусаффо тонг, шуқуҳли онларнинг бунёдкорлик билан безанган эзгулик сарчашмасидир.

Шу кунларда барча юртдошларимиз шукроналик кайфиятида энг азиз ва энг улуг байрам – истиқлолимизнинг шонли 28 йиллигини кўтаринки руҳда нишонлаш, шу қутлуғ сана олдида она-Ватанимиз бўй-бастини оламга кўз-кўз этишдек хайрли ва қувончли шодиёнани байрам қилиш бахтига мушарраф бўлиб турибди.

Тарих кўзгусининг зарварақларига назар ташласак, 28 йил кўз очиб юмгунча ўтадиган фурсатдек. Лекин, юртимизда ҳар соҳада, ҳар жабҳада асрларга татигулик бунёдкорлик ишлари олиб борилаётган бу лаҳзалар янада жозибдор кўринади. Айниқса, республикамиз бўйлаб йўллар, мактаблар, боғчалар, шифо масканлари, спорт майдончалари, намунали уй-жойлар, кўп қаватли уйлар қад ростлаётган, ичимлик суви, электр, газ таъминоти масалалари яхшиланаётган бир пайтда ҳар бир он фаровонликка, ободликка етаклаётганидан дарак беради.

Қувонарлиси, бу янгиланишлар юртимизнинг олис ҳудудларида ҳам кўзга ташланаётганлиги барчамизни янада тўлқинлантириб юборади.

(Давоми 4-саҳифада)

"ТУРОНБАНК"ДАН САЛМОҚЛИ КЕЛИШУВЛАР

Айни дамда юртимизда ўзгача байрам шуқуҳи кезмокда. Бундай сурурли онларда ҳар қандай хушхабар киши кайфиятини янада кўтаради.

Хусусан, шу кунларда "Туронбанк" АТБнинг халқаро молия муассасалари билан йирик келишувларнинг имзоланиши ана шундай хушхабарлардан бири бўлди.

Сўнгги вақтларда Ўзбекистон ва Саудия Арабистони ўртасидаги ҳамкорлик ижобий суръатлар билан ривожланиб бормоқда, жумладан, Хусусий секторни ривожлантириш Ислом корпорацияси (ХСРИК) ва Халқаро Ислом савдо-молия корпорацияси (ХИСМК) каби молиявий муассасалар билан олиб борилаётган ишларни таъкидлаш жоиз. Юқорида келтирилган муассасаларнинг молиялаштириши ҳисобидан қурилиш, қишлоқ хўжалиги, инфраструктура ва транспорт соҳасидаги лойиҳалар амалга оширилмоқда.

Мамлакат раҳбарияти томонидан республика вазирликлари ва идора-



лари, шу жумладан, тижорат банкларида истиқболли лойиҳаларни кейинчалик молиялаштириш учун тўғридан-тўғри хорижий инвестицияларни жалб этиш вазифаси юклатилган.

Қўйилган вазифаларни ижро этиш мақсадида "Туронбанк" АТБ томонидан ХСРИК ва ХИСМК билан

биргаликда Муробаҳа тамойили асосида молиялаштиришни жалб этиш мақсадида муайян ишлар олиб борилди.

"Туронбанк" АТБ делегациясининг Жидда (Саудия Арабистони Қироллиги) шаҳрига расмий ташрифи доирасида Ўзбекистон Республикаси кичик бизнес ва хусусий тад-

биркорлик субъектларини молиялаштириш учун ХСРИК билан 10,0 млн. АҚШ доллари ва ХИСМК билан 6,0 млн. АҚШ доллари миқдоридаги келишувлар имзоланди.

ХСРИК билан келишув Ўзбекистон Республикаси кичик бизнес ва хусусий тадбиркорлик субъектларига технологик ускуналар ва асосий воситаларни харид қилиш учун 5 йилгача бўлган муддатга узоқ муддатли молиялаштиришни жалб этиш имконини беради.

ХИСМК билан келишув эса Ўзбекистон Республикаси кичик бизнес ва хусусий тадбиркорлик субъектларига айланма маблағларни тўлдириш (хомашё ва товарларни харид қилиш) учун 1 йилгача муддатга молиялаштиришни жалб этиш имконини беради.

Бу "Туронбанк" АТБнинг тўғридан-тўғри хорижий инвестицияларни жалб этиш бўйича илк битими бўлиб, Банк бошқа молия муассасалар билан кредит линияларни жалб этиш юзасида ишларни давом эттирмоқда.

(Давоми 2-саҳифада)

“ТУРОНБАНК”ДАН САЛМОҚЛИ КЕЛИШУВЛАР

(Бошланиши 1-саҳифада)

Сўнгги вақтларда Ўзбекистон ва Хитой ўртасидаги муносабатлар стратегик шериклик ва ҳамкорлик руҳида ижобий суръатлар билан ривожланиб бормоқда. Бу борада Хитой Эксимбанки кредит линияларини жалб этиш соҳасидаги ҳамкорликни ҳам алоҳида таъкидлаш жоиз.

Ўзбекистон Республикаси Президентининг 2017 йил 02 майдаги “2017-2021 йилларда гидроэнергетикани янада ривожлантириш чора-тадбир-

лари дастури тўғрисида”ги қарорига мувофиқ, 2017 йил буён “Туронбанк” АТБ томонидан гидроэлектростанциялар қурилиши ва уларнинг модернизация қилиш учун жами 9 та лойиҳаларни молиялаштиришга Хитой Эксим банкининг умумий қиймати 144,4 млн. АҚШ доллариға тенг кредит линиялари жалб этилди.

Натижада жорий йилда иккита янги кичик гидро электр станцияси (КГЭС) ишга туширилди. Жумладан, жорий йилнинг март ойида фоалияти



Реклама



1 Септябрь Ўзбекистон Республикаси
Мустақиллик куни

**«Туронбанк» акциядорлик тижорат банки
жамоаси халқимизни Ўзбекистон Республикаси
Мустақиллигининг 28 йиллиги билан самимий
муборакбод этади!**

**Ватанимиз равнақи йўлида амалга ошираётган эзгу
ишларингизда омадлар тилайди! Юртимизни
тинчлик, қалбларимизни шукроналик туйғулари
асло тарк этмасин!**

**Тинчлигимиз барқарор,
ҳаётимиз фаровон бўлсин!**



www.turonbank.uz

Хизматлар лицензияланган

йўлга қўйилган “Туябўғиз” сув омбори қошидаги КГЭСнинг қуввати 12 МВт бўлиб, у ўртача йилига 41,2 млн. кВт. с. электр энергияси ишлаб чиқаради. Худди шундай Катта Фарғона каналидаги КГЭС каскади ҳам жорий йилнинг июнь ойида ишга туширилди. Унинг йиллиқ ўртача қуввати 72,8 млн.кВт.с.га тенгдир.

Шу билан бирга, айти кунда яна учта янги КГЭСларни барпо этиш ва 4та КГЭСларни модернизация қилиш бўйича ишлар олиб борилмоқда. 2020 йил охиригача мазкур КГЭСларни тўлиқ ишга тушириш режалаштирилган.

Ўзбекистон Республикаси Вазирлар Маҳкамасининг 2019 йил 2 майдаги 275-сонли ҳамда 276-сонли Қарорлари ижроси доирасида Пекин шаҳрида ўтказилган, Ўзбекистон Республикаси Бош вазир Абдулла Арипов бошчилигидаги ҳукуматлараро комиссия иши жараёнида “Туронбанк” АТБ ва Хитой Эксимбанк ўртасида “Чирчиқ ГЭС каскади (ГЭС-10)” УК, “Самарқанд ГЭС каскади (ГЭС-2Б)” УК ва “Тошкент ГЭС каскади (ГЭС-1)” унитар корхоналарини модернизация қилиш, “Самарқанд вилояти Дарғом каналида Шаудар кичик ГЭС қурилиши, Дарғом канали 135+50 Пикетида кичик ГЭС қурилиши” лойиҳаларини молиялаштириш учун 65,5 млн. АҚШ доллари миқдоридаги қарз келишувлари имзоланди.

Таъкидлаш жоизки, юқорида келтирилган 5 та гидроэлектростанциялар қурилиши ва модернизация қилиниши бўйича молиялаштирилатган лойиҳалар натижасида, станцияларнинг келгусида йиллик ўртача электр энергияси ишлаб чиқариш қуввати 469,9 млн. кВт. с.ни ташкил қилади.

Ҳозирги кунда “Туронбанк” АТБ, “Ўзбекгидроэнерго” АЖ билан ҳамкорликда Республикаимизнинг Сурхондарё, Сирдарё ҳамда Самарқанд вилоятларида гидроэлектростанциялар қуриш ва модернизация қилиш лойиҳаларига 120,3 млн. АҚШ доллари миқдоридаги маблағларни жалб қилиш бўйича ишлар олиб борилмоқда.

Банк Ахборот хизмати

(Бошланиши 1-саҳифада)

Унинг ижроси юзасидан бугун шаҳару қишлоқларда замонавий кўркам бинолар, намунали уй-жойлар қуриб, фойдаланишга топширилди. Жумладан, шу кунга қадар 55 600 та хонадондан иборат 1 минг 319 та кўп қаватли уй-жойлар қуриб битказилди. Бу ишлар аynи пайтда ҳам жадаллик билан олиб борилаётир.

Президентимиз ташаббуси билан арзон уй-жойларнинг эҳтиёжманд оилаларга узоқ муддатли имтиёзли кредитлар асосида берилиши кўплаб инсонларнинг узоқ кутилган орзуларининг амалга ошишига сабаб бўлди.

Ўзбекистон Республикаси Президентининг 2017 йил 23 октябрдаги "2017-2020 йилларда шаҳарларда арзон кўп квартиралар уйлари қуриш ва реконструкция қилиш дастурини самарали амалга ошириш бўйича қўшимча чора-тадбирлар тўғрисида"ги Қарори бўйича ишлаб чиқилган дастур асосида иштирок этаётган банклар қаторида "Ипотека-банк" АТИБ зиммасига ҳам улкан масъулият юкланди. Шунинг баробарида устувор вазифаларни қамраб олувчи 2017-2020 йилларда шаҳарларда кўп квартиралар уйлари қуриш ва реконструкция қилиш дастурининг параметрлари тасдиқланган. Унга кўра, 4 йил давомида жами 55 минг 600 та квартирадан иборат 5, 7, 9 ва 16 қаватли 1 минг 319 та кўп қаватли уй-жойлар қурилиши режалаштирилган.

Банкимиз томонидан 2018 йил учун мўлжалланган жами 17 минг 234 хонадонли 418 та кўп қаватли уй-жойлар қурилиши молиялаштирилиб, мазкур уй-жойлар қурилиши учун "Ўзшаҳарқурилишнинг инвестиция" инжиниринг компаниясига 3 362,7 миллиард сўмлик кредит маблағлари ажратилган эди. Ҳозирда мазкур уй-жойлар бўйича қурилиш ишлари якунланиб, аҳолига имтиёзли ипотека кредити ҳисобига расмийлаштирилиб берилмоқда. Бунда аҳолига имтиёзли ипотека кредитлари 20 йил муддатга, 3 йил имтиёзли давр билан, дастлабки 5 йили 7 фоиздан, қолган 15 йили марказий банкнинг қайта молиялаштириш ставкаси бўйича ажратилмоқда.

ЭЛ ФАРОВОНЛИГИ – ЮРТ ОБОДЛИГИ


Бугунги кунда ҳам банкимиз томонидан давлат дастури доирасидаги уй-жой қурилишини молиялаштириш ишлари изчил суръатларда давом эттирилиб, жорий йилда 15 минг 595 хонадонли 355 та кўп қаватли уй-жойлар қурилиши молиялаштирилмоқда. Мазкур уй-жойлар қурилиши учун "Ўзшаҳарқурилишнинг инвестиция" инжиниринг компаниясига 3 642,6 миллиард сўмлик кредит линиялари очилган.

Мазкур 355 та кўп қаватли уй-жойлар йил якунига қадар фойдаланишга топширилиши режалаштирилган. Уларда қурилиш ишларининг бориши, сифатли материаллардан фойдаланилиши, замонавий меъморчилик меъёрларига амал қилиниши тегишли давлат органлари ва ташкилотлар томонидан қатъий назорат қилиб борилмоқда.

Жорий йилнинг етти ойида тижорат банклари томонидан жами 3,5 триллион сўм ипотека кредити ажратилган бўлиб, шундан Ипотека-банкнинг улуши 34,3 фоиз (1,2 триллион сўм)ни ташкил этди. Тижорат банклари томонидан ажратилган ипотека кредитининг қолдиги эса 16,8 триллион сўм. Шундан, Ипотека-банк томонидан ажратилган ипотека кредити қолдиги 3,8 триллион сўм (22,9 фоиз)дир.

Кўриниб турибдики, бугунги кунда "Ипотека-банк" Давлат дастурлари асосида қуриладиган уй-жойларга ипотека кредити ажратиш бўйича ипотека бозорининг деярли чорак қисмини эгалламоқда. Жумладан, 2019 йил 1 август ҳолатига кўра, Ипотека банк томонидан кўп қаватли уй-жойлардаги 8 минг 432 та хонадонларга жами 1 046,1 миллиард сўм ҳамда 1 минг 634 та яқка тартибдаги уй-жойларга 158,9 миллиард сўм ипотека кредити маблағлари ажратилди.

Юртимиздаги аҳолининг ўсиш тенденцияси бўйича рақамларга мурожаат қилсак, 1991-йилда аҳоли сони 20,6 млн. кишини ташкил этган бўлса, бугунги кунда аҳоли 33,5 млн. кишига етган. Бунга мос равишда 2010-2018 йил-



лар давомида янги қуриладиган оилалар сони ҳам ортиб, йиллик ўртача 270-280 минггача ташкил этганини кўриш мумкин.

Бу рақамлар Ўзбекистонда ипотека бозорини ривожлантириш зарурлигини, айниқса, ипотека кредитларини фақатгина давлат томонидан ажратиладиган паст фоизли ресурс маблағлар ҳисобига эмас, балки бунга қўшимча равишда бозор тамойилларига таянган ҳамда доимий равишда ўзини-ўзи молиялаштирувчи янги ипотека тизимини жорий этиш лозимлигини талаб этмоқда.

Ўзбекистон Республикаси Президентининг "Ипотека кредити бозорини ривожлантириш ва кенгайтиришга оид қўшимча чора-тадбирлар тўғрисида"ги 2019 йил 13 майдаги ПФ-5715-сонли Фармони юқоридаги масалаларни ижобий ечимига кенг имконият очиб берди.

Фармонга биноан мамлакатимизда "Ипотекани қайта молиялаштириш компанияси" ташкил этилиб, компания турли молиявий инструментлар орқали маҳаллий ва халқаро капитал бозорларидан ресурс маблағларни жалб этиш билан шуғулланиб, ушбу маблағларни белгиланган талабларга мос келувчи тижорат банкларга кредит ресурсларни ажратиш йўли билан қайта молиялаштириб боради.

Эндиликда юртимиз аҳолисига фақатгина ижтимоий ипотека кредитлари билан бир қаторда, тижорат ипотека кредитларини ҳам тақлиф этиш имконияти пайдо бўлди. Шу билан бирга, ипотека кредитларини ажратишда тижорат банклари ўртасида эркин рақобат муҳити вужудга келиб, банкларни аҳолига хизмат кўрсатиш сифати ошишига ва аҳолига қулай бўлган ипотека кредитларини тақлиф этилишига сабаб бўлади.

Дарҳақиқат, 2016-2018 йилларда ипотека кредити амалиётининг кенгайиши 82 мингдан ортқ уй-жойларнинг фойдаланишга топширилишини таъминлади. Натижада, мамлакатимизнинг барча ҳудудларидаги 400 мингга яқин фуқаролар турар-жой шароитларини яхшилашга эришиб замонавий ва шинам уйда бахтли, фар-

ровон истиқомат қилишига ҳисса қўшишди.

Айни дамда мамлакатимиз бўйлаб, жумладан, қишлоқ жойларида арзон уй-жойлар, шаҳарларда кўп қаватли уйлар, шунингдек, ёш оилаларга, ҳарбий хизматчиларга, бюджет ташкилотлари ходимлари ва аҳолининг бошқа тоифалари учун уй-жойлар қурилиши бўйича мақсадли дастурларни амалга ошириш давом этмоқда. Мазкур мақсадлар учун республикаимизнинг тижорат банклари томонидан жами 10 триллион сўмдан зиёд ипотека кредитлари ажратилди.

Шу билан бирга, мамлакатимиз уй-жой секторини ривожлантириш зарурати ипотека кредитларини тақдим этиш механизмларини янада такомиллаштириш ва аҳолининг барча қатламлари учун бозор тамойиллари асосида ипотека кредитларидан фойдаланиш имкониятларини оширишни талаб этмоқда.


2020 йил 1 январдан бошлаб Республикаимизда давлат дастурлари доирасида уй-жойлар қурилиши эндиликда қонун ҳужжатларида белгиланган малакавий талабларга жавоб берадиган юридик шахс мақомига эга бўлган қурилиш ташкилотлари томонидан амалга оширишга рухсат этилиб, давлат дастурида иштирок этаётган қурилиш ташкилотларига берилган солиқ ва бошқа имтиёзлар бекор қилинади.

Бу эса, қурилиш бозорида эркин рақобат муҳити ривожланишига, мамлакатда бир неча йиллик қурилиш ташкилотлари фаоллашиб, қуриладиган уй-жойлар сифатини ошишига ва рақобат асосида уй-жойларнинг реал баҳосини шаклланишига хизмат қилади.

Хулоса ўрнида айтиш мумкинки, бугун "Ипотека-банк" АТИБнинг аҳоли учун яратётган қулайликлари юртимиз истиқболи, халқимизни янада бахтли, фаровон ҳаёт кечириши, узоқ йиллик орзу-ниятларининг ижобати ва буюк келажақ сари одимлаб боришида мустаҳкам пойдевор вазифасини бажариб келмоқда.

Дилдора ЭРГАШЕВА,
"Ипотека-банк" АТИБ ахборот хизмати мутахассиси.





(Бошланиши 1-саҳифада)

Хусусан, “Обод қишлоқ”, “Обод маҳалла”, “Ҳар бир оила – тадбиркор” давлат дастурлари асосида юртимда олиб борилаётган кенг қўламдаги саъй-ҳаракатлар халқимиз ҳаётига ўзгача шуқу бахш этиб, ёшу қари бу ўзгаришларда эзгу ташаббуслар билан фаол иштирок этишга ҳаракат қилмоқда.

Шаҳарларимизнинг бир-бирини такрорламас даражада меъморий жиҳатдан гўзаллашиб бораётганлиги, миллийлик ва замонавийлик уйғунлигида баланд-баланд биноларнинг кўкка бўй чўзиши, замонавий “Сити”ларининг қурилиши ҳаммамизни қувонтириши табиий ҳол.

Айниқса, Президентимиз томонидан илгари сурилган “Халқ давлат идораларига эмас, давлат идоралари халқимизга хизмат қилиши керак” деган ҳаётий ибора бугунги ислохотларнинг бош омили бўлиб, инсон қадри, инсон омили тобора юксалмоқда.

Бу ўзгаришларда банк-молия тизими жамоаси ҳам ўз фаоллигини кўрсатмоқда. Марказий банк ва тижорат банклари томонидан мамлакатимиз иқтисодиётини янада тараққий эттириш, халқимиз турмуш фаровонлигини ошириш, уларни ишбилармонликка ва тадбиркорликка бўлган ташаббусларини қўллаб-қувватлаш ва молиявий томондан кўмак бериш борасида сезиларли ишлар қилинмоқда.

Айниқса, аҳоли бизнес лойиҳаларини молиялаш, тадбиркорлик фаолиятини кенгайтириш ҳамда маҳсулотини экспортга йўналтириш истагида бўлган ишбилармонларни қўллаб-қувватлаш борасидаги амалий чора-тадбирлар ўз самарасини бераётди. Бунинг натижасида юртимизда тадбиркорлар сафи йил сайин кенгайиб, ишлаб чиқарилаётган миллий маҳсулотлар “Ўзбекистонда ишлаб чиқарилган” номи остида хорижий давлатларга экспорт қилинмоқда.

Шу билан бирга, бирим икки бўлсин деб, тадбиркорлик бошини тутатганларнинг хонадони баракага, чўнтаги даромадга тўлаётди, десак адашмаган бўламиз. Чунки давлатимиз томонидан аҳоли тадбиркорлиги учун ажратилаётган имтиёзли кредитлар қўллаб оилаларнинг лимончилик, паррандачилик, қўйчилик, қорамол ва йилқичилик, асаларичилик, балиқчилик, тикувчилик, касаначилик ва шу каби бошқа йўналишларда иш бошлашига замин бўлмоқда.

Шунингдек, Марказий банк ва тижорат банк раҳбарларининг жойларга чиқиб аҳоли ва банк mijozлари билан тўғридан-тўғри жонли мулоқот қилиб, сайёр қабуллар уюштирилганлиги чин маънода халқимиз мушуқлини осон қилмоқда.

Ташкил этилаётган сайёр қабулларда тадбиркорлар муаммолари нафақат жойида ҳал этилаётди, балки, ҳал этилиши лозим бўлган ва қўшимча ўрганишларни талаб этаётган масалалар ҳам ўз ечимини топомқда.

Қолаверса, кейинги йилларда Марказий банк томонидан пул-кредит сиёсатини яхшилаш, банк mijozларига замонавий банк хизматларини кўрсатиш, хизматлар қўламини ошириш ва янада соддалаштириш борасида олиб борилаётган ислохотларни ҳам алоҳида қайд этиш даркор.

Бу жараёнда Президентимизнинг 2018 йил 23 мартдаги “Банк хизматлари оммабоплигини ошириш бўйича қўшимча чора-тадбирлар тўғрисида”ги ҳамда 2019 йил 23 июль “Микромолиявий хизматлар оммабоплигини ошириш чора-тадбирлари тўғрисида”ги қарорлари ва шу каби ҳуқуқий ҳужжатларнинг қабул қилиниши муҳим аҳамият касб этмоқда.

Хусусан, қарорлар ижроси доирасида банк ва mijoz ўртасидаги ҳамкорликни он-лайн бошқариш, хорижий пул ўтказмаларни соддалаштириш, кредит олишда замонавий коммуникацион технология ютуқларидан самарали фойдаланиш, валюта айрибوشлашда барча тўсиқларни олиб ташлаш бўйича кенг қўламли саъй-ҳаракатлар олиб борилади. Натижада аҳоли ўртасида тижорат банклари бўлган ишонч янада мустаҳкамланди.

Банк соҳасидаги бу ўзгаришларни “Standard & Poors”, “Moody’s” ва “Fitch Rating” халқаро рейтинг агентликлари ҳам мунтазам равишда ижобий тарзда юқори баҳоламоқдалар.

Қолаверса, тижорат банкларимизнинг халқаро молия институтлари, хорижий тижорат банклари билан олиб бораётган самарали ҳамкорликларини алоҳида қайд этиш даркор. Чунки бу каби улкан қадамлар мамлакатимизда хорижий давлатлар иштирокидаги ишлаб чиқариш корхоналарининг вужудга келишига, инвестицион муҳитнинг янада яхшиланишига замин бўлмоқда. Тижорат банкларининг саъй-ҳаракатлари билан қўллаб инвестицион лойиҳалар амалга ошиб, ишлаб чиқариш, хизмат кўрсатиш, қишлоқ ҳўжалиги ва шу каби иқтисодиётимизнинг муҳим бўлган соҳалари тобора ривож топиб бормоқда. Албатта, бу саъй-ҳаракатларнинг барчаси халқимиз турмуш фаровонлиги ошириш, келажақ авлоднинг бахту иқболи ва серкуёш юртимизини янада обод этиш учун қилинаётган эзгуликлардир.

Бугун турли оммавий ахборот воситаларини кузатиб, жаҳон айвонига разм солсак, қайсидир давлатларда қирғинборот урушлар, иқтисодий танназуллар, табиий офатлар, кулфатлар ёғдирилаётганлигини кўриш мумкин.

Уларни мушоҳада этиб, беихтиёр шу мусаффо заминда туғилганнингга шукроналар айтиб, юртимиз тинч, бозорларимиз тўкин-сочин, хонадонларимизда фарзандлар кулгуси-ю, уларнинг шўх-шодон ҳайқирлиги – мустақиллик қўшиғи билан бирга баралла жаранг сочаверсин, дегинг келади...

Хайрулла ХОЛТЎРАЕВ

FINANCEUZ хабар қилади

“ЎЗМИЛЛИЙБАНК” 309 МИЛЛИОН ДОЛЛАРЛИК ШАРТНОМА ТУЗДИ

Хитой Давлат Тараққиёт Банки (ХДТБ) ҳамкорлик йиллари давомида бир неча маротаба кредит линияларини тақдим этди. Улар орқали Миллий банк 460 дан ортиқ кичик бизнес ва хусусий тадбиркорлик лойиҳаларини молиялаштирди, шу жумладан, умумий қиймати 655 млн. АҚШ доллари бўлган 6 кредит линиялари ўзлаштирилди.

Ўзаро манфаатли ҳамкорликни мустаҳкамлаш мақсадида 2019 йил 26 августда Ўзбекистон-Хитой халқаро ҳамкорлик комиссиясининг 5 йиғилиши доирасида Миллий банк ва ХДТБ ўртасида “Ўзбекистон ҳақо йўллари” миллий авиакомпаниясининг самолёт паркинни модернизация қилиш лойиҳаси бўйича 309,0 миллион АҚШ доллари миқдорида шартнома имзоланди.

Ушбу лойиҳаларни молиялаштиришнинг асосий банки сифатида ХДТБни танлаш, экспортни суғурталаш агентликларида фойдаланмасдан, етказиб бериш тўловлари учун имтиёзли даврни таъминлайдиган молиялаштиришнинг энг қулай шарт-шароитлари таъминланиши билан боғлиқ. Бу эса ресурслар нархи ошиши олдини олади.

“Ўзбекистон ҳақо йўллари” миллий авиакомпанияси паркинни янгилаш мамлакатнинг сайёҳлик салоҳиятини кенгайтириш, кўрсатилаётган хизматлар сифатини яхшилаш ва авиакомпаниянинг йўловчилар оқимини кўпайтиришга қаратилган.

ХДТБ билан ҳамкорлик қилишнинг афзалликлари кўп йиллик ҳамкорлик тажрибаси, қулай молиявий шароитлар ва ҳужжатлар тезкорлик билан кўриб чиқиши ҳисобланади.

Имзоланган битим икки мамлакат ўртасидаги савдо-иқтисодий алоқаларни янада ривожлантиришга кучли туртки беради ва кредит ресурсларини нафақат кичик бизнес ва хусусий тадбиркорлик соҳасидаги имтиёзли шартларда жалб қилиш, балки Ўзбекистон иқтисодиётининг барча соҳаларида йирик стратегик инвестиция лойиҳаларини молиялаштириш учун имконият яратди ҳамда шериклик алоқаларини мустаҳкамлаш ва молиявий институтлар ўртасида ўзаро манфаатли ҳамкорликни ривожлантиришнинг кўрсаткичидир.

СЕРГЕЛИ ТУМАНИДА “БАНК ХИЗМАТЛАРИ МАРКАЗИ” ОЧИЛДИ

Ўзбекистон Президенти Шавкат Мирзиёев раислигида жорий йилнинг 23 июль куни кичик бизнес ва тадбиркорликни янада ривожлантириш масалаларига бағишланган видеоселектор йиғилишида тижорат банкларининг жойлардаги 70-100 нафар ходим ишлайдиган филиаллари ўрнига 10-15 нафар штатдан иборат ихчам “Банк хизматлари марказ”ларини кўпайтириш лозимлиги алоҳида таъкидланган эди.

Халқ банки томонидан аҳолига банк хизматларини кўрсатиш сифатини ошириш ва mijozларга қулайликлар яратиш мақсадида аҳоли гавжум жойларда “Банк хизматлари марказлари” ташкил этилмоқда.

Яқинда Халқ банки Тошкент шаҳар Сергели филиали томонидан Сергели деҳқон бозори ҳудудида ана шундай “Банк хизматлари маркази” фаолияти йўлга қўйилди.

Янгидан ташкил этилган ушбу марказда юридик ва жисмоний шахсларга кенг қўламли банк ва консалтинг хизматлари кўрсатилади. Хусусан, жисмоний шахслар учун микроқарз, овердрафт ва бошқа кредитларни расмийлаштириш, пластик карточкалар очиб имконияти яратилган.

Ушбу “Банк хизматлари маркази” банкоматлар билан таъминланган бўлиб, дам олиш кунисиз суткасига 24 соат фаолият кўрсатади. Бу ерда бозор аҳолиси ҳамда харидорлар ҳафтанинг исталган куни банкомат хизматидан фойдаланиши, коммунал, уяли алоқа операторлари, интернет ва бошқа хизматлар учун тўловларни амалга ошириши мумкин.

Қайд этиш жоизки, Халқ банки томонидан бу каби марказлар фаолиятини республикамиз бўйлаб йўлга қўйиш давом этмоқда.

ХАТОЛАР УЧУН ЖАРИМА

Банк хизматлари истеъмолчиларининг ҳуқуқларини ҳимоя қилиш борасида олиб борилаётган ишлар доирасида жорий йилнинг июнь-июль ойларида айрим банкларда ўтказилган ўрганишлар натижасида улар томонидан банк хизматлари истеъмолчиларининг ҳуқуқлари бузилиши ҳолатлари аниқланди.

Хусусан, "Ипотека-банк" АТИБ ва "Халқ банки" АТБларнинг тарифларида қонун ҳужжатлари билан миқдорлардан ундирилиши тақиқланган комиссия тўловлари мавжуд бўлса, "Давр-банк" ХАТБ ўз фаолиятида миқдорларга банк хизматларини кўрсатиш жараёнида қонун ҳужжатлари талабларига риоя қилмаслик ҳолатларига йўл қўйилган. Жумладан, Даврбанк томонидан ми-

қдорларга кўрсатиладиган банк хизмат турларининг таркибига асосий хизмат билан боғлиқ бўлмаган қўшимча хизматлар киритилган ҳамда банкнинг веб-сайти ва ахборот стендларида ҳаққоний бўлмаган маълумотлар жойлаштирилган.

Шу муносабат билан, ушбу банклар фаолиятида аниқланган камчиликларни бартираф этиш юзасидан тегишли кўрсатмалар бериш

билан бир қаторда, уларга нисбатан белгиланган тартибда жарима санкциялари қўлланилди.

"Асака банк" АТБ томонидан ўз миқдорига нисбатан шартномага мувофиқ комиссия тўловларини ҳисоблаш тартиби қайта кўриб чиқилиб, нотўғри ҳисобланган 84 млн. сўм миқдоридagi маблағнинг миқдорга қайтарилиши таъминланди.

Марказий банк бундан буён ҳам банк хизматлари истеъмолчиларининг ҳуқуқларини ҳимоя қилиш борасида қонун ҳужжатлари талабларининг бузилишига йўл қўйган кредит ташкилотларига нисбатан қонуний таъсир чораларини қўллаб боради.

cbu.uz

"ИМКОН-СУҒУРТА" ГА ЛИЦЕНЗИЯ БЕРИЛДИ

"Ипотека-банк" АТИБ Кенгашининг 2019 йил 6 апрелдаги 21-сонли қарорига асосан 9 апрелда "ИМКОН-СУҒУРТА" МЧЖ суғурта ташкилоти рўйхатдан ўтказилган эди.



2019 йилнинг 16 август куни "ИМКОН-СУҒУРТА" МЧЖ суғурта ташкилотига Ўзбекистон Республикаси Молия вазирлиги томонидан суғурта фаолиятини амалга ошириш бўйича тегишли лицензия берилди.

Эндиликда, "ИМКОН-СУҒУРТА" МЧЖ суғурта ташкилоти ўз фаолиятини тўлақонли бошлайди ҳамда аҳоли ва ҳўжалик юритувчи субъектларга 17 турдаги суғурта хизматларини кўрсатади.

"PSB INSURANCE" МАЖБУРИЙ СУҒУРТА ХИЗМАТЛАРИНИ ҲАМ ТАКЛИФ ЭТАДИ

"Ўзсаноатқурилишбанк" қошида ташкил этилган "PSB Insurance" суғурта компанияси эндиликда суғуртанинг мажбурий турлари бўйича ҳам хизмат кўрсатади.

2019 йилнинг 16 август куни "PSB Insurance" суғурта компаниясига Ўзбекистон Республикаси Молия вазирлиги томонидан умумий суғурта соҳасининг 17 класс бўйича фаолият юритиш имконини берувчи лицензия тақдим этилди.

Аҳоли, тадбиркорлик субъектлари, корхона ва ташкилотларга суғуртанинг ихтиёрий турлари бўйича хизмат кўрсатиб келаётган компания бундан буён миқдорларига мажбурий суғурта хизматларини ҳам таклиф этади.

Транспорт воситалари эгаларининг фуқаролик жавобгарлигини мажбурий суғурта қилиш, иш берувчининг фуқаролик жавобгарлигини мажбурий суғурта қилиш, ташувчининг фуқаролик жавобгарлигини мажбурий суғурта қилиш, қурилиш-монтаж хавфларини мажбурий суғурта қилиш, хавфли ишлаб чиқариш объектида авария юз берган тақдирда бошқа шахсларнинг ҳаёти, соғлиги ва (ёки) мол-мулкига ҳамда фуқаролик жавобгарлигини мажбурий суғурта қилиш шулар жумласидандир.

Қайд этиш жоиз, "PSB Insurance" суғурта компанияси ўз миқдорларига замонавий ва тезкор хизмат кўсатиш, улар олдидаги барча мажбуриятларини тўлиқ ҳамда вақтида бажарилишини таъминлайди.

Банк Ахборот хизматлари

Реклама



AGROBANK

“АГРОБАНК” АТБ ЖАМОАСИ

юртдошларимизни

“Энг улуғ, энг азиз” – айём, Ватанимиз

мустақиллигининг

28 йиллиги билан самимий қутлайди.

Бугунги кунда халқимиз бирдамликда

олиб бораётган она-Ватанимизни

обод ва фаровон этишдек эзгу ҳаракатлари,

орзу-интилишларини рўёбга чиқариш ҳамда

иқтисодиётимизни янада

ривожлантиришдек асрий бунёдкорлиги

давом этаверсин.

Мустақиллигимиз абадий ҳамда,

ушбу айём барчамизга

муборак бўлсин!




Шу кунларда республикаимиз бўйлаб тижорат банклари раҳбарлари иштирокида бўлиб ўтаётган сайёр учрашувлар аҳоли ва тадбиркорлар билан яқиндан мулоқот ўрнатилиши, давлатимиз раҳбари таъкидлаганидек, улар билан бизнес-ҳамкор ришталарини боғлаш, бу – банк-мижоз муносабатларидаги камчилик ва муаммоларга ечим топишнинг самарали механизмига айланди.

МУЛОҚОТЛАР ДАВОМ ЭТМОҚДА



Реклама



**Барча юртдошларимизни мамлакатимиз
мустақиллигининг 28 йиллиги билан самимий
муборакбод этамиз! Юртимиз тинч, осмонимиз
мусаффо, халқимиз омон бўлсин!**

Президентимиз томонидан кичик бизнес ва хусусий тадбиркорликни ҳар томонлама қўллаб-қувватлаш, улар олдида турган муаммоларни зудлик билан ҳал этишга устувор аҳамият берилмоқда. Бу борада “Ўзсаноатқурилишбанк” томонидан ҳам тизимли ишлар амалга оширилмоқда.

Хусусан, банк раҳбарияти иштирокида Тошкент шаҳри, Қорақалпоғистон Республикаси ҳамда Сирдарё, Жиззах, Қашқадарё, Сурхондарё, Андижон, Хоразм вилоятларида бўлиб ўтган сайёр қабулларда аҳоли ва тадбиркорларнинг қўллаб-қувватлаш масалалари ўз вақтида ечим топди.

– Бизнесда юзма-юз мулоқотлар доим яхши натижа берган, – дейди пойтахтлик тадбиркор Рустам Ризаев – Чунончи, мазкур банк раҳбарлари иштирокидаги жонли мулоқот ҳам биз учун самарали кечди. Улар билан янги бизнес-режамиз ҳақида ўртоқлашдик. Яна банк кредитидан фойдаланиш бўйича келишувга эришдик.

“Ўзсаноатқурилишбанк” Бошқарув раиси Азиз Воитов бошчилигида Қорақалпоғистон Республикасининг Шуманай туманида бўлиб ўтган сайёр қабулда ҳам етмишга яқин тадбиркорларнинг мурожаатлари тингланди.

Учрашувда банк масъуллари томонидан мамлакатимиз банк тизимида амалга оширилаётган ислохотлар, жорий қилинаётган янги банк хизматлари, имкониятлар ва имтиёзлар тўғрисида ахборот берилди.

Тадбир давомида тадбиркорларнинг фаолиятини янада ривожлантириш бўйича муаммо ва таклифлари ўрганилди. Мурожаатларнинг аксарияти жойида ҳал этилган бўлса, қўшимча ўрганилиши лозим деб топилган масалалар шахсан Банк Бошқарув раиси назоратига олинди.

Учрашувдан сўнг банк раҳбарияти тадбиркорлар билан мулоқотни тумандаги ишлаб чиқариш корхоналарида давом эттирди. Қўмир брикетлари ишлаб чиқарувчи “Шуманай Брикет” ҳамда “Ер Азизбек” корхоналаридаги ишлаб чиқариш жараёнлари билан яқиндан танишиб, улар фаолиятини янада ривожлантириш бўйича таклифлари ўрганилди.

“Ўзсаноатқурилишбанк” раҳбариятининг тадбиркорлар билан сайёр учрашувлари республикамизнинг барча ҳудудларида давом эттирилмоқда.

ТАДБИРКОРЛАР МУАММОСИ ЖОЙИДА ҲАЛ ЭТИЛМОҚДА

Шу кунларда ҳудудларда кўплаб сайёр қабуллар уюштирилмоқда. Жумладан, "Ипотека-банк" АТБнинг Самарқанд вилояти филиали мутасаддилари, мижозлари, кичик ва ўрта бизнес, хусусий тадбиркорлик субъектлари, экспортчи корхона раҳбарлари ва мутахассислари иштирокида бўлиб ўтган учрашувда тадбиркорлар ўз фаолияти давомида дуч келаётган айрим муаммолар ҳақида сўз юритишди.



Реклама

ИПОТЕКА BANK

Мустақиллик байрамингиз Муборак бўлсин

Ипотека-банк жамоаси барча юртдошларимизни Мустақиллик байрами билан табриклайди! Ушбу байрам диёрини севган, унинг машҳур тарихини ва кўп йиллик анъаналарини эъзозлаган, Ватани равнақи йўлида ўз кучи ва меҳнатини, билим ва истеъдодини аямаган барча инсонларни бирлаштиради. Сизга ва яқинларингизга соғлиқ, бахт, фаровонлик ҳамда барча эзгу ниятларингиз амалга ошишини тилаб қоламиз.

28



www.ipotekabank.uz



78-150-89-55

Сайёр қабул давомида "Ипотека банк" АТБ Бошқаруви раисининг ўринбосари Ж.Зулфиқоров тадбиркорлар билан банк ва мижоз муносабатлари, ҳар икки томон учун ўзаро манфаатли ҳамкорликни янада кучайтириш, тадбиркорларнинг муаммоларини ўрганиш, фаолиятини ривожлантириш мақсадида талаб этилаётган молиявий ва ҳуқуқий кўмак, имтиёзлар бериш масалаларига эътибор қаратди.

Тадбиркорлар билан очиқ, юзма-юз суҳбат ҳамкорлиқда ечилиши зарур бўлган муаммоларда муҳим омил бўлди. Тадбирда хорижий валютада кредитлар бериш, умуман, банк сармояларини ажратишда ресурс билан боғлиқ муаммоларни ҳал қилишда вақтнинг чўзилиб кетаётгани тадбиркорлик субъектлари фаолиятига салбий таъсир кўрсатаётгани билан боғлиқ масалалар атрофлича муҳокама этилди.

Хусусан, "Ипотека-банк"нинг Самарқанд вилояти филиали мижози бўлган тадбиркор Азим Файзиев ўз олдига чинни идишлар ишлаб чиқаришни мақсад қилган. Бунинг учун Хитой Халқ Республикасидан замонавий технология келтиришни режа қилиб, банкдан валюта кредити олиш таклифини билдирди. Мазкур муурожаат банк раҳбарияти назоратига олиниб, тадбиркор қўллаб-қувватланганидан бўлди.

Булунғурлик тадбиркор Улуғбек Аҳмедов аҳолига транспорт хизмати кўрсатиш билан шуғулланиб келади. Ана шу мақсадда техникалар харид қилиш учун банкдан 2 миллиард 43 миллион сўм кредит олган ва уни ўз вақтида қайтариб келаяпти. Сайёр қабулда тадбиркор кредитнинг ёпилган қисмига қўйилган гаров объектлари гаровдан чиқаришни сураб муурожаат қилди. Унинг масаласи ҳам назоратга олиниб, ижобий ҳал этиладиган бўлди.

Учрашувда шунингдек, банк ва мижоз ўртасидаги муносабатлар, банк билан боғлиқ тадбиркорлик фаолиятини ривожлантиришга тўсиқ бўлаётган муаммо ва қийинчиликлар, уларни бартараф этиш юзасидан фикр-мулоҳазалар, амалий аҳамиятга эга таклифлар юзасидан вазифалар белгилаб олинди. Тадбиркорлар томонидан ўртага ташланган таклифлар, муаммоларнинг ечими бўйича фикр-мулоҳазалар жамланиб тегишли тартибда кўриб чиқиш учун тақдим этиладиган бўлди.

ЎЗА материали асосида



“Трастбанк” хусусий акциядорлик банки жамоаси

Ўзбекистонимиз
истиқлолининг 28 йиллиги
билан самимий муборакбод этади!
“Фаол инвестициялар ва ижтимоий
ривожланиш йили”да
юрт тинчлиги ва фаровонлиги йўлида
олиб бораётган ишларингизда
улкан зафарлар тилайди.
Ҳамиша дилларингиздан
шодлик, хонадонингиздан
файзу-барака аримасин!



“Трастбанк” – ишонч билан юзма-юз!

Телефон: 78 140-00-88

Телеграм_бот: @Trust_Bank_Bot Телеграм канал: @trustbankuz

Фейсбук: facebook.com/trustbank.uz Сайт: www.trustbank.uz Инстаграм: instagram.com/trustbank_uz

РИШТОНДА 1000 ТА АРЗОН УЙ-ЖОЙ ҚУРИЛАДИ

Ҳукуматнинг Риштон туманини комплекс ривожлантиришга доир қарори қабул қилинди.



Қарор билан тасдиқланган ДАСТУРга кўра, ушбу туманда саноат, хизмат кўрсатиш, қишлоқ хўжалигини ривожлантириш учун 83 та инвестиция лойиҳалари бажарилади.

Шунингдек, 2019-2021 йилларда туманда мақсадли дастурлар асосида 1000 та арзон уй-жойлар қурилиши ҳамда 7 181 та янги иш ўрни яратиш назарда тутилмоқда.

Дастур ижроси ҳар чоракда маҳаллий кенгашда муҳокама қилиб борилади.

МАҲАЛЛИЙ ИШЛАБ ЧИҚАРУВЧИЛАР ҚўЛЛАБ-ҚУВВАТЛАНАДИ

“Давлат ва хўжалик бошқаруви ҳамда маҳаллий ижроия ҳокимияти органларининг ишлаб чиқаришни маҳаллийлаштириш ва саноат тармоқларида кооперация алоқаларини жадаллаштиришнинг янги тизимини жорий этиш бўйича масъулиятини янада ошириш тўғрисида” Президент қарори қабул қилинди.

Қарорга кўра, маҳаллийлаштирилган маҳсулотларни ишлаб чиқариш ҳажми 2020-2021 йиллар давомида камида 20 фоизга оширилиши лозим. Шу мақсадда қатор чора-тадбирлар белгиланган.

Хусусан:

импортнинг ўрнини босувчи ва экспортга йўналтирилган маҳсулотлар ишлаб чиқарувчиларга кафилик ва кредит фоиз тўловлари компенсация қилинади;

вилоятлар ва Тошкент шаҳар ҳокимликларида ҳокимнинг ишлаб чиқаришни маҳаллийлаштириш ва саноатда кооперация алоқаларини кенгайтириш масалалари бўйича ёрдамчиси лавозими жорий этилади.

Шунингдек:

Ҳисоб палатасида импортни доимий таҳлил ва



мониторинг қилиш йўналишида алоҳида таркибий тузилма;

Вазирлар Маҳкамасида Иқтисодиёт тармоқларида ва ҳудудларда ишлаб чиқаришни маҳаллийлаштириш дастурларини ишлаб чиқиш ва саноатда кооперация алоқаларини ривожлантириш масалалари шўъбаси ташкил қилинади.

Қарор билан Иқтисодиёт ва саноат вазирлиги ишлаб чиқаришни маҳаллийлаштириш ва саноат кооперациясини ривожлантириш жараёнларини чуқурлаштириш бўйича ваколатли орган сифатида белгиланди ва унга қўшимча вазифалар юкланди.

МЕҲНАТ МИГРАНТЛАРИГА – КВАРТИРАЛАР, МИКРОҚАРЗЛАР, КРЕДИТЛАРНИ ТўЛАШНИНГ СОДДАЛАШТИРИЛГАН ТАРТИБИ

Президентнинг 20.08.2019 йилдаги ПФ-5785-сон Фармони билан хорижда ишлаётган Ўзбекистон фуқароларини ҳимоя қилиш кафолатларини кучайтиришга доир чора-тадбирлар назарда тутилган.



Ишлаб чиқалаётган “Ягона миллий меҳнат тизими” ахборот тизими доирасида “labor-migration” дастурий мажмуасини 2019 йил 1 октябрга қадар жорий этишлари лозим. У куйидаги имкониятларни беради:

хорижда меҳнат фаолиятини амалга ошириш истиғини билдирган фуқароларга иш берувчи мамлакатда бўлиш қоидалари, меҳнат, ижтимоий, уй-жой ва маиший таъминот шароитлари, хорижий иш берувчилар билан меҳнат шартномаларини тузишнинг ҳуқуқий жиҳатлари, шунингдек, қонун ҳужжатларида белгиланган молиявий ёрдам чоралари тўғрисидаги маълумотларни онлайн тарзда тақдим қилиш;

Ташқи меҳнат миграцияси агентлиги ва хусусий бандлик агентликлари фаолияти тўғрисида, шу жумладан улар кўрсатадиган хизматларнинг турлари ва нархлари, хорижий иш берувчиларда мавжуд бўлган бўш иш ўринлари, шунингдек, ушбу иш ўринларига ишга жойлаштириш тартиби тўғрисидаги маълумотларни тақдим этиш;

Ўзбекистон фуқароларининг хорижда вақтинчалик меҳнат фаолияти мониторинги, шу жумладан, касбий таълим, қайта тайёрлаш ва маалака ошириш, тақдим этилган мо-

лиявий қўллаб-қувватлаш чоралари, кўрсатилган ҳуқуқий ва ижтимоий ёрдам, шунингдек, хорижий иш берувчилар билан тузилган меҳнат шартномалари тўғрисидаги ахборотлар;

чет элда оғир вазиятга тушиб қолган ва ёрдамга муҳтож меҳнат мигрантлари томонидан масофадан туриб мурожаат йўллаш имконияти; меҳнат мигрантлари, ишга жойлаштириш географияси, уларнинг фаолият йўналишлари ва турлари тўғрисидаги маълумотлар базасини шакллантириш.

“labor-migration” дастурий мажмуасида рўйхатдан ўтган меҳнат мигрантларига давлат томонидан қўллаб-қувватлашнинг куйидаги чора-тадбирлари жорий этилади:

биринчидан, уй-жой шароитларини яхшилашга эҳтиёжманд меҳнат мигрантларига 2020 йилда уй-жой қурилиши бўйича давлат дастурларининг ижроси доирасида кўп квартиралы уйлардан 3 462 та хонадон ажратилади;

иккинчидан, 1 октябрдан бошлаб 1 банк куни давомида тез расмийлаштирилган ҳолда энг кам таалаб қилинадиган ҳужжатлар: паспорт, ариза ва меҳнат органининг илтимосномаси асосида 1 йил муддатга микроқарз беришни бош-

лайдилар. 2 млн сўм миқдоридаги сумма хорижда ишга жойлаштириш билан боғлиқ харажатларни тўлаш учун мўлжалланган. Фоиз ставкаси табақалаштирилган: 2019-2020 йилларда - 10%, 2021 йилда - 12%, жумладан фоиз ставкасининг 50%и миқдоридаги тижорат банки маржаси;

учинчидан, суғурта компанияларига - йилига 1 маротаба хорижда вақтинчалик меҳнат фаолиятини амалга ошириш даврида фуқаролар ҳаёти ва соғлиғини ҳамда бошқа таваккалчиликларни суғурталаш бўйича суғурта мукофоти суммасини қоплаш учун суғурталанган ҳар бир меҳнат мигранти учун 50 минг сўм миқдорида бир марталик субсидиялар тақдим этилади.

Бундан ташқари, меҳнат мигрантлари Ўзбекистонда олган кредитларини “Азия инвест банк” АЖ ва Россиядаги бошқа ҳамкор-банклар орқали Россия рублида сўндиришлари мумкин. Ҳисоб-китобларни электрон тўлов тизимлари орқали ҳам амалга ошириш мумкин бўлади. Ўзбекистондан кетган меҳнат мигрантлари кўпроқ йиғилган Россия ҳудудларида “Азия инвест банк”нинг банк инфратузилмаси ва миқозларга хизмат кўрсатишнинг масофавий каналлари кенгайтирилади.

Давлат даражасида меҳнат мигрантлари муаммоларини ҳал этишнинг янги тизими барпо этилди. Бунинг учун Ташқи меҳнат миграцияси масалалари бўйича республика комиссияси ташкил этилди, унинг олдида маҳаллий ҳокимият органлари, ваколатли давлат органлари ва ташкилотлар раҳбарлари меҳнат мигрантлари ва уларнинг оила аъзоларини қўллаб-қувватлаш ва ҳуқуқларини ҳимоя қилиш соҳасида қилинган ишлар бўйича ҳисобот беради.

Ҳукумат тузилмасида Хорижда

вақтинчалик меҳнат фаолиятини амалга ошираётган Ўзбекистон Республикаси фуқаролари ҳуқуқларини ҳимоя қилиш ва қўллаб-қувватлаш масалалари департаменти ташкил этилди. Унинг мудирини Бош вазир маслаҳатчиси ҳисобланади. Ташқи меҳнат миграцияси агентлиги ҳар ойнинг 5-санасига қадар соҳада қилинган ишлар ва аниқланган муаммолар тўғрисидаги ахборотни, уларни ҳал этиш бўйича аниқ таклифлар билан бирга Бандлик ва меҳнат муносабатлари вазирлигига киритади, вазирлик эса ТИВ билан биргаликда - 10-санага қадар ташқи меҳнат миграцияси ҳолати ва амалга оширилган ишлар ҳақида йиғма-таҳлилий маълумотни Департаментга киритади. Маълумотлардан Бош вазирга ахборот бериш ва Республика комиссияси мажлисларида кўриб чиқиш учун фойдаланилади.

Қўшни мамлакатлар билан меҳнат миграцияси масалалари бўйича яқин ҳамкорлик йўлга қўйилади. Меҳнат мигрантларининг ишлаш ва яшаш шароитлари билан танишиш ва уларга амалий ёрдам кўрсатиш мақсадида янги ҳукумат департаменти мудирини бошчилигидаги делегациялар хорижий давлатларга, энг аввало Россия Федерациясига сафар қилади. Қорақалпоғистон Вазирлар Кенгаши раиси, вилоятлар ва Тошкент шаҳар ҳокимларининг хорижий мамлакатларнинг маҳаллий давлат ҳокимияти органлари раҳбарлари билан яқин ҳамкорлик муносабатлари соҳасига меҳнат мигрантларининг меҳнат фаолиятини амалга ошириш ва истиқомат қилиш учун рухсат берувчи ҳужжатларни расмийлаштириш, уларнинг меҳнат ҳуқуқларига риоя этилиши, муносиб яшаш ва маиший шарт-шароитларни яратиш, тиббий хизматлардан фойдаланиш ва бошқа эҳтимолий муаммоларни ҳал қилиш масалалари киритилди.

South China Morning Post нашрида ёзилишича, сайёҳлик суғуртасининг асосий иштирокчиларидан бири Get Going Insurance томонидан ўтказилган тадқиқот натижасига кўра, саёҳатга энг кўп пул сарфлайдиган халқ – хитойликлар ҳисобланади.

САЁХАТЧИЛАР ОҚИМИ ҚАЕРДА КЎП



Хусусан, 2017 йилда хитойликлар 250 миллиард АҚШ доллари сарфлаган. Иккинчи ўринни 135 миллиард АҚШ долларлик харажатлари билан АҚШ фуқаролари эгаллади. Германия фуқаролари 89 миллиард АҚШ доллари сарфлаб, учинчи поғонада турибди. Уларнинг ўртача харажатлари йилига бир нафар сайёҳга 1 минг АҚШ долларидадан ортган.

Хитойлик сайёҳлар асосан уч йўналиш бўйлаб саёҳат қилишган. Жумладан, Гонконг, Макао ва Тайвань. Америкаликлар тез-тез Мексикага ташриф буюришга одатланган. Бошқа етакчи йўналишлар қатори Канада ва Буюк Британия турибди. Германиялик саёҳатчиларнинг севимли масканлари Австрия, Франция ва Испания сингари қўшни давлатларда жойлашганлиги маълум бўлди.

Умуман олганда, туризмга сарфланган харажатлар юқори ҳисобланган кучли ўнтакли давлатлар қаторидан Буюк Британия, Франция, Канада, Жанубий Корея, Италия, Австралия ва Россия сингари давлатлар ўрин эгаллади. БМТнинг Бутунжаҳон сайёҳлик ташкилоти маълумотида кўра, 2018 йилда бутун дунё сайёҳлари жами 1,7 триллион АҚШ доллари, яъни 2017 йилга нисбатан 4 фоиз кўп маблаг сарфлаган.

ЯНГИ ТЕЛЕСКОП УЧУН ЯНГИЧА ЁНДАШУВ

Келаси йилда дунёнинг энг йирик астрономик қурилмаси – Square Kilometer Array (SKA) қурилиши бошланиши кўзда тутилган. Лойиҳанинг асосий иштирокчиларидан бири саналмиш Хитой маълумотларни қайта ишлаш ҳудудий марказини қуриш ва ўзининг сунъий йўлдошларини ишлаб чиқаришга тайёргарлик кўрмоқда.



SKA тарихдаги энг йирик ва илғор радиотелескопи бўлиши кутилмоқда. У минглаб катта бўлмаган ва умумий узунлиги 3 минг километрга етадиган йўлдошлар орқали қабул қилинадиган товушларни бирлаштиради. Йўлдошлар Ер юзининг жанубий қисмида ўрнатилади. Асосий станциялар Австралиянинг ғарбида ва радио узатгични қулай тарзда юритишга имкон берувчи Жанубий Африкада жойлаштирилади.

SKA узоқ фазодан келадиган сустрadioалоқани амалда мавжуд радиотелескопларга нисбатан 50 баробар юқори даражадаги сезувчанлик асосида қабул қилади.

Телескоп олимларга Ер юзининг тадрижий ривожланишини изчил ўрганиш, гравитация қонунини тушуниб етиш, ҳаёт манбасини тадқиқ қилиш ва фазовий магнит майдонининг келиб чиқиш омилларини англаб етиш ҳамда ердан ташқари бўлган ҳаётни ўрганиш имконини беради.

Хитой илм-фан академияси қошидаги Шанхай астрономик обсерваториясида тадқиқот гуруҳи раҳбари Ан Тао фавқулодда юқори даражадаги сезувчанлик, кенг миқёсдаги кўриш майдони, юқори тезликдаги тасвирга тушириш имконияти кўплаб ахборотларни тадқиқ қилиш, солиштириш ва умумлаштиришга хизмат қилишини маълум қилди.

SKAга тегишли ахборотларни тарқатиш, сақлаш, ёзиб олиш, ҳисоблаш бошқариш ва архивлаштиришнинг имкони деярли мавжуд эмас. Хитойлик олимлар SKAдаги катта ҳажмдаги ахборотларга оид масалани ижобий ҳал этиш мақсадида ахборот, коммуникацион ва компьютер саноати билан ҳамкорликда ишлашни режалаштирган ҳамда жаноб Ан Хитой иқтисодиёти ривожланишига хизмат қилишига умид билдирмоқда.

GERMANYADA KUTILMAGAN ЎЗГАРИШ ҚАЙД ЭТИЛДИ

Европа қарз бозорига яқинда яна бир тарихий воқеалик юз берди. Германия илк маротаба энг узоқ муддатли, яъни 13 йиллик облигацияларни ноль қийматли купон билан сотди.



Яъни, савдони жойлаштириш унданда қизиқарли кечди: даромадлилик манфи бўлиб чиқди ва манфи 0,11 фоизга етди. Жойлаштириш ҳажми 824 миллион еврога тўғри келди, бироқ облигацияларни 2 миллиард еврога сотиш мўлжалланган эди.

– “Техник жиҳатдан жойлаштириш омадсизликка юз тутди, – деди Danske Bank катта таҳлилчиси Йенс Петер Соренсен “Интерфакс” агентлиги муҳбири билан суҳбатда. – Бироқ шахсан мен бу масалада ташвишга тушмаяпман, сабаби инвесторлар кимовши савдосида бевосита иштирок эта олмасан, облигацияларни сотиб олгиси келса уларни шунчаки харид қилиши мумкин”.

Айни пайтда, тўлиқ жойлаштиришнинг имкони

бўлмасан, юқорида қайд этилган қизиқарли кузатилмади. Бутун дунё бўйича марказий банклар томонидан жорий этиладиган рағбатлантирувчи чора-тадбирларни кутиш асосида, шунингдек жаҳон иқтисодиётидаги вазият ёмонлашиб бораётган бир пайтда инвесторлар энг хавфсиз активларга эғалик қилишни маъқул кўрмоқда. Облигациялардан тушадиган даромадкамийиб бормоқда. Германияда эса, аллақачон эгри даромадлилик ноль қийматдан пастда турибди.

Бошқача айтганда, инвесторлар унга қарз бериши учун давлатнинг ўзига қайта пул тўлашга мажбур бўлмоқда. Ҳар қанча тушунарсиз бўлсин, Германия ва бошқа давлатлардаги облигациялар бозорида юзага келган вазият мантиққа би-

роз тўғри келмаётгандек. Пулларни жалб қиладиган ҳар бир қарздор доимо фоизларни ўз вақтида тўлашга мажбур. Зеро, ҳар қандай молиявий қоидага асосан, пулни пул топади ва уни шунчаки бериб бўлмайди.

Яқинда Германияда бўлиб ўтган кимовши савдосидан сўнг тез орада 5 миллиард евролик икки йиллик облигациялар, сўнг яна 3 миллиард евролик 10 йилли облигациялар сотилиши белгиланган. Сентябрь бошида эса, умумий қиймати 5 миллиард евролик 5 йиллик бондлар сотилиши режалаштирилган.

Маълумот тариқасида айтиш жоиз, ўтган ҳафтада Австрия ҳукуматининг юз йиллик 1,05 фоизлик даромад келтирувчи облигациялар сотувга қўйилган эди. Австрия ва Германиянинг 30 йиллик қимматли қозғаларидан олинадиган даромадлар ўртасидаги фарқ тахминан 35 базис пунктдан иборатлигини инобатга оладиган бўлсак, Германия тез орада юз йиллик қимматли қозғаларни номинал даромади 0,7 фоиз миқдорида сотиши тахмин қилинмоқда.

АҚШДАГИ ТАҚЧИЛЛИК

Мутахассислар ҳисобига кўра, АҚШ ғазнасидаги маблагларнинг ҳажми қисқариши мумкин, яъни триллион долларлик тақчиллик юзага келиши ҳақидаги башорат тўғри чиқишидан ҳеч ким шубҳаланмаяпти, бироқ унинг муддати кутилганига нисбатан тез орада бўлиши ҳам маълум бўлиб бормоқда.



Конгресснинг Бюджет бошқармаси (СВО)нинг сўнгги маълумотида кўра, АҚШ бюджетидagi 1 триллион долларлик тақчиллик кутилганига нисбатан икки йил аввал қайд этилиши мумкин. Жорий йилнинг ўзидаёқ бу борадаги кўрсаткич юқоридаги қийматга яқинлашиши ва унинг ҳажми 960 миллиард АҚШ доллариға етиши мумкин. Келаси йилда эса тақчиллик 1,008 триллион АҚШ доллариға тўғри келиши тахмин қилинмоқда. Бунинг асосий сабабларидан бири харажатларнинг кўпайиши билан боғлиқ. Эслатиб ўтамоғимиз, яқин икки йилда уларнинг ҳажми яна 320 миллиард долларға ортиши кутилмоқда.


2020 йилдан 2029 йилга қадар АҚШ бюджетидagi тақчилликнинг ўртача ҳажми 1,2 триллион АҚШ доллариға, яъни ялпи ички маҳсулотнинг 4,7 фоизига тенг бўлиши мумкин. Бу эса сўнгги 50 йилдаги ўртача даражага нисбатан 1,6 баробар кўп кўрсаткич демак.

Жорий йилда АҚШ давлат облигацияларидан олинган даромад минимум даражага тушиб қолди ва Федерал захира тизими башоратиға кўра, яқин келажакда пул-кредит сиёсати янада юмшатилиши кутилмоқда.

ALOQABANK

1 СЕНТЯБРЬ – МУСТАҚИЛЛИК КУНИ МУБОРАК !

AloqaMobile Мобил дастури



Пластик карталарингизни
қулай тарзда бошқаринг;



300 дан ортиқ хизматлар
учун тўловлар ўтказиш;



Банкнинг онлайн хизматлари:
омонатлар, конверсия, микроқарз...



Маълумотлар:
валюта курслари, тўловлар мониторинги,
Push-хабарнома





Мустақиллик
муборак!

htb
Hi-Tech Bank

Азиз Ватандошлар!

“Hi-Tech Bank” ХАТБ сизни Ватанимиз мустақиллигининг 28 йиллиги билан чин дилдан муборакбод этади ҳамда сизнинг келгуси ишларингизда муваффақиятлар тилайди. Ватанимиз равақиваривожи йўлида барчангизгатинчлик, осойишталик, фаровонлик, бахту омад ва оилавий хотиржамлик тилайди!

Истиқлолимизнинг 28 ёши муборак бўлсин азизлар!

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС
Ўзбекистон Республикаси
Марказий банки

Ўзбекистон Республикаси Банк-молия
академияси

“Moliya yangiliklari agentligi” МЧЖ

Директор
Ўктам АБДУЛЛАЕВ

Бош мухаррир
Бобур МУҲАММАДИЕВ

Бош мухаррир ўринбосари
Умид ХУДОЙБЕРГАНОВА

Обуна ва реклама учун
Тел: 99897 776 60 18
71 232 45 32
Факс: 71 232 43 98
Нашр индекси-102.

Ахборот кўмаги
ЎзА, “Norma Hamkor” МЧЖ

Таҳририят манзили:

100060. Тошкент ш., Шаҳрисабз кўчаси,
23-уй e-mail: bankaxborotnomasi@mail.ru,
www.banknews.uz telegram каналимиз

@bank_axborotnomasi
Чоп этишга тайёрловчи: “Moliya yangiliklari agentligi”
МЧЖ

Газета таҳририятининг техник ускуналарида
саҳифаланди.

Таҳририятнинг фақат ёзма розилиги билан “Банк ахборотномаси” да эълон қилинган материалларни қўчириб босишга ижозат берилди. Қўлзмалар такриз қилинмайди ва қайтарилмайди. Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган. Газета ҳафтада бир марта – пайшанба куни чиқади.

Буюртма № г 803
Адади 1788 нуска

Нархи шартнома асосида.

Газета А3 ҳажмда, 3 шартли босма табоқда чоп этилди.
Босишга рухсат этилди: 28.08.2019 й.

1 2 3 4 5

“Шарқ” нашриёт-матбаа акциядорлик компанияси босмаҳонасида чоп этилди. Корхона манзили: Тошкент ш. Буюк Турон кўчаси, 41-уй.